


Dagleg bøn i ei uviss tid



3.mai-9.mai 2020

Nåde vere med dykk, og fred frå Gud, vår Far, og Herren Jesus Kristus!

«Du vår med ljose dagar, med lengting, liv og song, du spår at Gud oss lagar ein betre vår ein gong, då me med vigsla tunge, men kjærleik heil og klår, alt utan brest og sprunge, skal lova Herren vår!»

Mai er her og vi gler oss over våren- sjølv om det framleis er ein annleis vår. Vi har sagt det så mange gangar dei siste månadane- at det er «annleis»- at det kanskje byrjar å verte ein klisjé? Men kva skal vi elles seie? Det er ikkje lett å skildre den tida vi lever midt i, der vi sjølve er deltakarar i noko som framleis ikkje er avslutta. Samtidig treng vi å reflektere og prøve setje ord på det vi opplever, ja, gjennomlever.

I skrivande stund ventar vi på om det kjem signal om ei mogleg opning for gudstenester og samlingar. Vi er vel mange som saknar det konkrete, fysiske samveret i kyrkjerommet: Songen i lag, lystenninga, brødet og vinen, handtrykka. Medan vi ventar kan vi kanskje gjere oss nokre refleksjonar: Kva har denne våren gjort med meg? Eller kanskje: Kva gjer han med meg? Kva saknar eg mest av det vanlege? Er det noko som har vore godt, midt i alt, og som eg har oppdaga nettopp no? Kva kjenner eg på når eg tenker på tida som ligg føre, på resten av våren og sommaren som ventar?

Så er det så ulikt korleis også denne situasjonen treff oss. Uansett: Gud let oss komme med alle våre kjensler og stemningar, våre tankar, vår uro og frykt, og vår glede. Hos Gud kan vi tale ut om det vi er og det vi ber på. Vi kan vende oss til Gud, med alt vårt; vere «eg» som talar med «Du». Det kan vi gjere no også, i denne våren som veks fram rundt oss- og minner oss både om Guds skaparkrefter her og no, og om den våren som ein gong kjem, «med kjærleik heil og klår»!

Lat oss vende oss til Gud, med alt vi er og har- framleis åleine, men saman.

Prestane i Volda

Matias Austrheim, Kristian Myklebust, Ingrid Finsådal,
Ingeborg Matre

Søndag 3.mai– 4.søndag i påsketida

Lystenning og stille

Finn ein roleg stad og set deg godt til rette. Tenn eit lys. Lyset minner oss om Jesu ord: «Eg er lyset i verda. Den som følgjer meg, skal ikkje vandre i mørkret men ha livsens lys.»

Innleiing

Herre, lat opp mine lepper,
så min munn kan lovprise deg.

Herre, kom og berg meg.

Herre, skund deg og frels meg.

Ære vere Faderen og Sonen og Den heilage ande, som
det var i opphavet, så no og alltid og i all æve. Amen.

Bibelsk salme

Salme 118 frå Salmane

Tekstlesing

Tekst: Evangeliet etter Johannes 16,16-22

Andakt av Ingrid Finsådal

Nokre avskil krev meir førebuing enn andre. Nokre avskil har vi vanskeleg med å forstå. Nokre avskil kostar oss mykje. Som for eksempel for eit barn som skal byrje i barnehagen for fyrste gong og må seie «hadet» til foreldra sine, eller 10.klassingen på skuleavslutninga som må skiljast frå venene sine, eller kona som må seie «hadet» til mannen sin før ei lang jobbreise. Ikkje minst kostar det oss mykje den dagen ein må stå ved gravkanten til den ein var glad i. Då kan avskil gjere oss spørjande, engstelege og urolege.

Jesus visste at hans avskil kom til å gjere læresveinane urolege og spørjande. Men han visste også at hans avskil var nødvendig for heilt og fullt kunne vere saman igjen - gjennom alle tider. Derfor brukte han lang tid til å førebu læresveinane på det som skulle skje. Gjennom heile tre kapittel i Johannes evangeliet tar Jesus avskil. Men han førebu dei på at det berre vil gjelde for ein liten stund. *«Om ei lita stund ser de meg ikkje, og om endå ei lita stund skal de få sjå meg.»* Det er lettare å halde ut usikkerheit og angst om ein veit at det berre er midlertidig. Det er lettare å ta avskil om ein veit at vi skal sjåast igjen. Det er som om Jesus til læresveinane seier det som har vore den siste månadens ord til oppmuntring mange stedar i landet: «Det blir bra».

Men kva for ventetid er det Jesus talar om? Kva for mellomtid er det han prøvar å førebu sine læresveinar på? I boka «Ord gjennom året» har Sjur Isaksen skissa opp ein fin tredeling på korleis ein kan forstå Jesu forkynning og avskilssførebuing:

Det vesle mellomrommet: Jesus snakkar om sin eigen død og den tida læresveinane må vente før han står opp igjen. Dette er

historia sitt midtpunkt. Men det er ikkje rart læresveinane ikkje skjøna dette når han fortalte det. Dei hadde aldri på det tidspunktet før vore vitne til at nokon stod opp frå dei døde. Vi som lever no kan lese historia baklengs med oppstoda fyrst. Det kunne ikkje læresveinane, derfor måtte Jesus førebu dei på det som skulle kome.

Det store mellomrommet: Jesus førebur i sin tale, ikkje bare læresveinane, men også oss på at han ein gong skal kome att i herlegdom. Vår tid er derfor også ei ventetid og et mellomrom. Men i dette mellomrommet er vi ikkje åleine. Jesus seier: «*Frykt ikkje! Eg let dykk ikkje vere at som foreldrelause barn!*» Sjølv om vi lengtar etter å sjå han slik han er, har han lova å vere nær oss over alt der vi er usynleg tilstades.

Våre eigne mellomrom: Jesus talar også til våre både små og store mellomrom i livet. Tider då vi synes Jesus er skult for oss. Dagar då mørket, tåka, frykta og angsten tar overhand og vi ikkje klarar å sjå vidare. Også i dei, våre personlege mellomrom, er vi likevel alltid sett av Gud. Og det er viktigare å vere sett av Gud enn sjølv å sjå Gud.

Det kan vere krevjande å ta avskil, både på ein fyrste barnehagedag, på ein skuleavslutning eller før ei jobbreise. Ikkje minst kan det være vondt og vanskeleg å stå på ein gravkant framfor ein av sine kjære. Men etter påske, etter Jesu Kristi død og oppstandelse, løftast det til og med ved gravkanten opp eit håp også for oss - til nytt liv og gjensynsglede. For som Jesus sjølv seier: «Eg skal sjå dykk att, og hjarte dykkar skal gleda seg, og den gleda skal ingen ta ifrå dykk.»

Truvedkjenninga

Eg trur på Gud Fader, den allmektige,
som skapte himmel og jord.

Eg trur på Jesus Kristus,
Guds einborne Son, vår Herre,
som vart avla ved Den heilage ande,
fødd av Maria møy,
pint under Pontius Pilatus,
vart krossfest, døydde og vart gravlagd,
fór ned til dødsriket,
stod opp frå dei døde tredje dagen,
fór opp til himmelen,
sit ved høgre handa åt Gud, den allmektige Fader,
skal koma att derifrå
og døma levande og døde.

Eg trur på Den heilage ande,
ei heilag, allmenn kyrkje,
eit samfunn av dei heilage,
forlating for syndene,
oppstoda av lekamen og evig liv.
Amen.

Bøn

Herre Jesus Kristus,
du er vegen, sanninga og livet.
Vi bed deg:
Lær oss å elska kvarandre som du har elska oss,
og styrk oss i håpet om at vi ein dag skal samlast hos deg

i ditt rike,
du som med din Far og Den heilage ande lever og råder,
éin sann Gud frå æve til æve.

Amen

(Dagens bøn for 4.søndag i påsketida)

I dag takkar og ber vi spesielt for:

For kviledagen som ein annleis dag

For skattane i Guds ord

Kyrkjelydane i Volda, i Noreg og i verda

Konfirmantane våre og born og unge i kyrkjelydane

Herrens bøn

Vår Far i himmelen.

Lat namnet ditt helgast.

Lat riket ditt koma.

Lat viljen din råda på jorda slik som i himmelen.

Gjev oss i dag vårt daglege brød,

og tilgjev oss vår skuld,

slik vi òg tilgjev våre skuldnarar.

Og lat oss ikkje koma i freisting,

men frels oss frå det vonde.

For riket er ditt

og makta og æra i all æve.

Amen

Salme: Norsk salmebok 213 Klapp, alle hender, i glede!

T 1984 Jan Visser
O 1987 Eyvind Skeie
M 1984 Nando van Essen

1 Klapp, alle hender, i
glede!
Dette er dagen Gud har
gjort.
Dette er dagen da Jesus
åpnet for alle livets port.

Omkved
Jesus sto opp igjen,
han er her, halleluja!
Jesus sto opp igjen,
han er her, halleluja!

2 Lukk opp din dør og ditt
vindu.
Dette er dagen Gud har
skapt.
Gå fra ditt hus full av
lovsang,
han skaper håp der alt var
tapt.

Velsigning:

Herren velsigne deg og vare deg.
Herren late sitt andlet lysa over deg og vere deg nådig.
Herren lyfte sitt åsyn på deg og gje deg fred. ✠ (Her kan
du teikne deg med krossteiknet)

Omkved
Jesus sto opp igjen,
han er her, halleluja!
Jesus sto opp igjen,
han er her, halleluja!

3 Syng gjennom parker og
gater,
syng om den dagen du har
fått.
Syng om din levende
Herre,
han er oppstanden, alt er
godt!

Omkved
Jesus sto opp igjen,
han er her, halleluja!
Jesus sto opp igjen,
han er her, halleluja!

T og M © Unisong Music Publisher t/a
Europool Music. Med tillstånd av
David Media AB O © Eyvind Skeie S ©
Cantando Musikkforlag A/S

Måndag 4.mai

Lystenning og stille

Finn ein roleg stad og set deg godt til rette. Tenn eit lys. Lyset minner oss om Jesu ord: «Eg er lyset i verda. Den som følgjer meg, skal ikkje vandre i mørkret men ha livsens lys.»

Innleiing

Herre, lat opp mine lepper,
så min munn kan lovprise deg.

Herre, kom og berg meg.

Herre, skund deg og frels meg.

Ære vere Faderen og Sonen og Den heilage ande, som
det var i opphavet, så no og alltid og i all æve. Amen.

Bibelsk salme

Salme 36, 6-11 frå Salmane

Tekstlesing

Tekst: 2.Korintarbrev 4, 14-18

Bøn

Å, Herre, du har skapt oss til deg, og hjartet vårt er
uroleg til det finn kvile i deg.

(Nr.34 i Bøneboka i Norsk salmebok)

I dag ber vi spesielt for:

Born og tilsette i skular og barnehagar
Alle som arbeider med helse og omsorg
Alle som er sjuke

Herrens bøn

Vår Far i himmelen.
Lat namnet ditt helgast.
Lat riket ditt koma.
Lat viljen din råda på jorda slik som i himmelen.
Gjev oss i dag vårt daglege brød,
og tilgjev oss vår skuld,
slik vi òg tilgjev våre skuldnarar.
Og lat oss ikkje koma i freisting,
men frels oss frå det vonde.
For riket er ditt
og makta og æra i all æve.
Amen.

Salme 468 Hos Gud er evig glede

T T 1786 Johan Nordahl
Brun
M Norsk folketone
(Nordmøre)

1 Hos Gud er evig glede!
Men før jeg kommer der,
jeg må blant torner trede
og bære byrder her.

Her trykker mange
plager,
her strider Jesu brud,
her blandes fryd med
klager,
kun glede er hos Gud.

2 Jeg bytter ei med dårer
som har sin glede her.

Jeg heller gjennom tårer
og sukk mitt såkorn bær.*
Når jeg med fryd kan
høste
ved enden av min vei,
la dåren seg forlyste,
med ham jeg bytter ei.

3 Min Jesus skal jeg skue.
Han, han er håpets

grunn!
La korset kun meg kue,
det er en liten stund.
Snart intet meg bedrøver,
snart ingen motgang mer
min glede fra meg røver.
Snart jeg min Jesus ser.

*Salme 126,6

Velsigning

Herren Jesu Kristi nåde, Guds kjærleik og Den heilage
Andens samfunn vere med oss alle! Amen ☩ (Her kan
du teikne deg med krossteiknet)

Tysdag 5.mai

Lystenning og stille

Finn ein roleg stad og set deg godt til rette. Tenn eit lys. Lyset minner oss om Jesu ord: «Eg er lyset i verda. Den som følgjer meg, skal ikkje vandre i mørkret men ha livsens lys.»

Innleiing

Herre, lat opp mine lepper,
så min munn kan lovprise deg.

Herre, kom og berg meg.

Herre, skund deg og frels meg.

Ære vere Faderen og Sonen og Den heilage ande, som
det var i opphavet, så no og alltid og i all æve. Amen.

Bibelsk salme

Salme 25 frå Salmane

Tekstlesing

Tekst: Evangeliet etter Johannes 13, 30-35

Bøn

Vår Herre og Gud, vi takkar deg for at Sonen din har
sigra over døden, og for lovnaden om at han vil vekke oss
opp til nytt liv på den siste dagen. Gjev di kyrkje kraft til

å tale livets ord i døden si verd, så alle kan komme til tru på han som er oppstoda og livet; Jesus Kristus, Son din, vår Herre, som med deg og Den heilage ande lever og råder, éin sann Gud, frå æve og til æve. Amen.

(nr.161 frå Bøneboka i Norsk Salmebok)

I dag ber vi spesielt for:

Leiarar og folkevalde i verda, Noreg og Volda.

Dei som arbeider for å lindre naud over heile verda

God forvaltning og fordeling av ressursane våre.

Herrens bøn

Vår Far i himmelen.

Lat namnet ditt helgast.

Lat riket ditt koma.

Lat viljen din råda på jorda slik som i himmelen.

Gjev oss i dag vårt daglege brød,

og tilgjev oss vår skuld,

slik vi òg tilgjev våre skuldnarar.

Og lat oss ikkje koma i freisting,

men frels oss frå det vonde.

For riket er ditt

og makta og æra i all æve.

Amen

Salme

Norsk salmebok 854 No stig vår song

T 2007 Edvard Hoem

M 2007 Håkon Berge

1 No stig vår song, vår
takk til Gud
for denne gode verd,
for havets salt, for regn og
sol
og himlens stjerneher.
Vi takkar deg for storm og
frost,
og snø som fell så stilt
mot jord.

Vi takkar for den mørke
natt,
og vårens tid, for alt som
gror.

2 No stig vår song, vår
takk til Gud
for nådens korte tid.
Da skapte du vår vakne
sjel
som lid når andre lid!
Ditt tålmod lindrar gamle
sår,
men dagleg blir din
skapning krenkt!
La rettferd fylla tusen år!
Trøyst våre barn, møt
deira lengt!

3 No stig vår song, vår
takk til Gud
for denne heim, vår jord,
med barnesmil og
voggesong
og heite kjærleiksord!
Vi takkar for kvar nyfødt
dag
da våre sansar opnar seg,
for tankens glans, for
hjarteslag
og alle under på vår veg.

4 No stig vår song, vår
takk til Gud
for Han, som er vår fred.
Når Kristus sprenger
dødens rom,
fell siste stengsel ned.
Da stig vår song, vår takk
til Gud
for spor på strand, for
bølgjers slag:
Kom natt, kom søvn, kom
morgongry,
kom, evig sommars lyse
dag.

T © Edvard Hoem M og S © Cantando
Musikkforlag AS

Velsigning

Herren Jesu Kristi nåde, Guds kjærleik og Den heilage
Andens samfunn vere med oss alle! Amen ☩ (Her kan
du teikne deg med krossteiknet)

Onsdag 6.mai

Lystenning og stille

Finn ein roleg stad og set deg godt til rette. Tenn eit lys. Lyset minner oss om Jesu ord: «Eg er lyset i verda. Den som følgjer meg, skal ikkje vandre i mørkret men ha livsens lys.»

Innleiing

Herre, lat opp mine lepper,
så min munn kan lovprise deg.

Herre, kom og berg meg.

Herre, skund deg og frels meg.

Ære vere Faderen og Sonen og Den heilage ande, som
det var i opphavet, så no og alltid og i all æve. Amen.

Bibelsk salme

Salme 107, 1-9 frå Salmane

Tekstlesing

Tekst: Jesaja 43, 16-21

Bøn

Gode Gud, du som gjev liv til alt som lever.
Vi prisar deg for alt det vakre på vår jord,
og for alt som lèt oss kjenna at du er god.

Her for ditt andlet bed vi: Gjev oss lyttande øyre,
takksame hjarte og villige hender,
så vi kan høyra ordet ditt, lovprisa deg for di miskunn,
og i ord og gjerning vitna om dine storverk.

(Nr 98 i Bøneboka i Norsk salmebok)

I dag ber vi spesielt for:

For alle barn og unge

Alle som sørgjer etter å ha mista nokon

Dei som er forfølgde for si tru rundt om i verda.

Herrens bøn

Vår Far i himmelen.

Lat namnet ditt helgast.

Lat riket ditt koma.

Lat viljen din råda på jorda slik som i himmelen.

Gjev oss i dag vårt daglege brød,

og tilgjev oss vår skuld,

slik vi òg tilgjev våre skuldnarar.

Og lat oss ikkje koma i freisting,

men frels oss frå det vonde.

For riket er ditt

og makta og æra i all æve.

Amen.

Salme

Norsk salmebok 205 Kornet har sin vila

T 1968 Anders

Frostenson

M Fransk julemelodi

1 Kornet har sin vila djupt
i frusen jord,
är ej dött, det väckes av
ditt skaparord.

Kärlek från Gud, åt allting
ger du liv.

Kärlek med ditt ljus kom,
kom och hos oss förbliv

2 Han blev hängd på
korset, i en grav lagd ner.
Ingen enda väntar möta
honom mer.

Kärleken når långt
bortom död och grav.

Kärlek med ditt ljus kom,
kom och dröj hos oss
kvar.

3 Han var vetekornet, låg
i jordens djup.

Han stod upp en påskdag,
lever bland oss nu.

Aldrig en sol har lyst så
stark och klar.

Kärlek med ditt ljus kom,
kom och dröj hos oss
kvar.

4 Väntande på värme
vilar rot och frö,
vet att våren kommer.

Varje träd och ört
brister i blom på sin
bestämda tid.

Kärlek med ditt ljus kom,
kom och hos oss förbliv.

T © Copyright AF-stiftelsen Psalm och
sång, Stockholm. S © Norsk
Musikforlag A/S

Velsigning:

Herren Jesu Kristi nåde, Guds kjærleik og Den heilage
Andens samfunn vere med oss alle! Amen ✠ (Her kan
du teikne deg med krossteiknet.

Torsdag 7.mai

Lystenning og stille

Finn ein roleg stad og set deg godt til rette. Tenn eit lys. Lyset minner oss om Jesu ord: «Eg er lyset i verda. Den som følgjer meg, skal ikkje vandre i mørkret men ha livsens lys.»

Innleiing

Herre, lat opp mine lepper,
så min munn kan lovprise deg.

Herre, kom og berg meg.

Herre, skund deg og frels meg.

Ære vere Faderen og Sonen og Den heilage ande, som
det var i opphavet, så no og alltid og i all æve. Amen.

Bibelsk salme

Tekst: Salme 78, 19-25

Tekstlesing

Tekst: Openberringa 2, 1-7

Bøn

Gud, du som skaper når du tilgjev, skap eit reint hjarte i meg. Bryt gjennom alt eg held att, lat meg høyra di røyst stadig djupare i meg. Lat meg gløyma meg sjølv slik at eg

vert meg sjølv. Lær meg å tena slik at eg vert fri. Gjer meg heilag, så eg vert meir menneskeleg.

(Nr 82 i Bøneboka i Norsk salmebok)

I dag ber vi spesielt for:

Alle som kjenner at livet er vanskeleg

Alle som saknar fellesskap

Bebuarane og dei tilsette på institusjonane i Volda kommune

Herrens bøn

Vår Far i himmelen.

Lat namnet ditt helgast.

Lat riket ditt koma.

Lat viljen din råda på jorda slik som i himmelen.

Gjev oss i dag vårt daglege brød,

og tilgjev oss vår skuld,

slik vi òg tilgjev våre skuldnarar.

Og lat oss ikkje koma i freisting,

men frels oss frå det vonde.

For riket er ditt

og makta og æra i all æve.

Amen.

Salme

Norsk salmebok 795 I østen stiger solen opp

T 1837 B.S. Ingemann

M 1837 C.E.F. Weyse

1 I østen stiger solen opp,
den spreder gull på sky,
går over hav og
bergetopp,
går over land og by.

2 Den kommer fra den
fagre kyst
hvor paradiset lå,
den bringer lys og liv og
lyst
til store og til små.

3 Den hilser oss fra livets
hjem,
hvor størst Guds lys

opprant
med stjernen over
Betlehem,
som Østens vise fant.

4 Og med Guds sol utgår
fra øst
en himmelsk glans på
jord,
et glimt fra paradisets
kyst,
hvor livets palme gror.

5 Du solers sol fra
Betlehem,
ha takk og lov og pris
for hvert et glimt fra
lysets hjem
og fra ditt paradis!

Velsigning:

Herren Jesu Kristi nåde, Guds kjærleik og Den heilage
Andens samfunn vere med oss alle! Amen ☩ (Her kan
du teikne deg med krossteiknet)

Fredag 8.mai

Lystenning og stille

Finn ein roleg stad og set deg godt til rette. Tenn eit lys. Lyset minner oss om Jesu ord: «Eg er lyset i verda. Den som følgjer meg, skal ikkje vandre i mørkret men ha livsens lys.»

Innleiing

Herre, lat opp mine lepper,
så min munn kan lovprise deg.

Herre, kom og berg meg.

Herre, skund deg og frels meg.

Ære vere Faderen og Sonen og Den heilage ande, som
det var i opphavet, så no og alltid og i all æve. Amen.

Bibelsk salme

Salme 135 frå Salmane

Tekstlesing

Tekst: Jesaja 40, 26-31

Bøn

Allmektige, evige Gud, du som kan leie og bøye
menneskehjarta, vi bed deg: Hjelp og styrk alle dei som i
dag har det store ansvaret for freden si sak i verda. Ta i
di mektige hand leiarane for nasjonane, vend hjarta

deira til deg og gje dei kraft til striden mot alt som vil
forføre oss til det som er vondt.

Gjev fred på jorda, og hjelp di kyrkje til å fremje fred
mellom folkeslaga. Vern folket vårt og heimane våre mot
krig og splid, og lat oss bygge og bu i fridom i landet du
har gjeve oss. Hjelp oss å tena deg med truskap og
saman med alle folk på jorda å stå fast i striden mot det
vonde, ved Son din, Jesus Kristus, vår Herre, som med
deg og den Heilage ande lever og råder, éin sann Gud, frå
æve og til æve.

Amen

(Kyrkja si fredsbøn, bøneboka i Norsk salmebok nr 195)

I dag takkar og ber vi spesielt for:

For landet vårt

For fred og rettferd over heile verda

For alle som arbeider for freden si sak

For alle som er på flukt frå krig og katastrofar

Herrens bøn

Vår Far i himmelen.

Lat namnet ditt helgast.

Lat riket ditt koma.

Lat viljen din råda på jorda slik som i himmelen.

Gjev oss i dag vårt daglege brød,

og tilgjev oss vår skuld,

slik vi òg tilgjev våre skuldnarar.

Og lat oss ikkje koma i freisting,

men frels oss frå det vonde.
For riket er ditt
og makta og æra i all æve.
Amen.

Salme

T 1890 Elias Blix

M 1826 C.E.F. Weyse

1 Gud signe vårt dyre
fedreland
og lat det som hagen
bløma!
Lat lysa din fred frå fjell
til strand
og vetter for vårsol røma!
Lat folket som brøder
saman bu,
som kristne det kan seg
søma!

2 Vårt heimland i mørker
lenge låg,
og vankunna ljuset
gøymde.
Men, Gud, du i nåde til
oss såg,
din kjærleik oss ikkje
gløymde.
Du sende ditt ord til
Noregs fjell,
og ljøs over landet
strøymde.

3 Og Noreg det ligg vel
langt i nord,
og vetteren varer lenge;
men ljuset og livet i ditt
ord,
det ingen kan setja
stenge.
Om fjellet er høgt og
dalen trong,
ditt ord har då her sitt
gjenge.

4 Så blømde vårt land i
ljøs og fred,
det grodde så grønt i
lider.
Men atter seig natt på
landet ned
med trældom og tunge
tider.
Og folket det sukka etter
ljøs,
og du lyste opp om sider.

5 Og morgonen rann, og
mørkret kvarv,
som lenge vår lukka
skygde.

Du atter oss gav vår
fridoms arv
og honom i trengsla
trygde.
Du verna vårt folk og gav
oss fred,
og landet med lov me
bygde.

6 Vil Gud ikkje vera
bygningssmann,
me fåfengt på huset
byggja.
Vil Gud ikkje verja by og
land,
kan vaktmann oss ikkje
tryggja.

Så vakta oss, Gud, så me
kan bu
i heimen med fred og
hyggja!

7 No er det i Noreg atter
dag
med vårsol og song i
skogen.
Om sædet enn gror på
ymist lag,
det brydder då etter
plogen.
Så signe då Gud det gode
såd,
til groren ein gong er
mogen!

Velsigning

Herren Jesu Kristi nåde, Guds kjærleik og Den heilage
Andens samfunn vere med oss alle! Amen ✠ (Her kan
du teikne deg med krossteiknet)

Laurdag 9.mai

Lystenning og stille

Finn ein roleg stad og set deg godt til rette. Tenn eit lys. Lyset minner oss om Jesu ord: «Eg er lyset i verda. Den som følgjer meg, skal ikkje vandre i mørkret men ha livsens lys.»

Innleiing

Herre, lat opp mine lepper,
så min munn kan lovprise deg.

Herre, kom og berg meg.

Herre, skund deg og frels meg.

Ære vere Faderen og Sonen og Den heilage ande, som
det var i opphavet, så no og alltid og i all æve. Amen.

Bibelsk salme

Salme 100 frå Salmane

Tekstlesing

Tekst: Evangeliet etter Johannes 14, 1-14

Bøn

Herre, vis du meg vegen- og gjer meg villig til å gå han.

(Nr 43 i Bøneboka i Norsk salmebok)

I dag ber vi spesielt for:

For verda sitt landbruk

For arbeidstakarar og bedrifter som opplever krevjande tider

For alle som strevar med rus

Herrens bøn

Vår Far i himmelen.

Lat namnet ditt helgast.

Lat riket ditt koma.

Lat viljen din råda på jorda slik som i himmelen.

Gjev oss i dag vårt daglege brød,

og tilgjev oss vår skuld,

slik vi òg tilgjev våre skuldnarar.

Og lat oss ikkje koma i freisting,

men frels oss frå det vonde.

For riket er ditt

og makta og æra i all æve.

Amen

Salme

Norsk salmebok 643 Du som veien er og livet

T 1885 Christian

Richardt

M 1871 Ludvig M.

Lindeman

deg det er på hvem vi tror.

Mellom alle verdens

røster

bare din er den som

trøster,

led oss i ditt hyrdespor!

1 Du som veien er og livet,

deg vi har vårt håndslag

givet,

2 Hjelp oss på de trange
stier,
støtt oss i de bratte lier,
sval oss under dagens
brann!
Vokt oss på de glatte
stene,
trøst oss, skal vi gå alene,
du som alltid vil og kan!

3 Gi at deg vi følger efter,
styrk de små, de svake
krefter,
bøy vår vilje, smelt vår
tross!
La ditt navn i hjertet
brennes,
så ved deg vi her må
kjennes,
og du hist må kjenne oss.

Velsigning:

Herren Jesu Kristi nåde, Guds kjærleik og Den heilage
Andens samfunn vere med oss alle! Amen✠ (Her kan du
teikne deg med krossteiknet)



DEN NORSKE KYRKJA

Kyrkjelydane i Volda

Rådhusgata 6a – tlf 70 07 40 90

volda.kyrkja.no